

Oder er neme ein stück Brots/stoß es ein weile vnter die Achsseln/ vnd halt es so lang/ daß es feucht von dem Schweiß werde/ vnd gibts darnach dem Hund zu essen.

Oder man neme das gebürtlin von einem andern Hunde/verbinde es in ein Tüchlin/ vñ laß den Hund daran riechen.

Damit ein wütender Hund/er sey so rasend als er wölle/ dem Schäffer keinen schaden thue/ vnd in anfall/ Sol er ein Auge von einem schwarzen lebendigen Hunde in seine Hand nemen/ vnd darinnen behalten. Oder welchs noch gewisser ist/ sol er ein Wolffs aug/ oder Wolffshern/ oder die Zunge von einer Wölfin/ in die Hand nemen.

Der Schäffer sol auch die Hunde gewehnen/ daß sie sich mit einander ergeilen/ erspringen/ erlauffen/ vnd sich beißen/ doch muß er sorge haben/ daß einer den andern nit vberwältige/ vnd sie also forchtsam vnd verzagt werden.

Er solle die Hunde von keinem selbst gestorbenen Schafe essen lassen/ auff daß sie nit gewöhnen andere Schafe vnter wegen anzufallen. Den so die Hunde einmal rohes fleisch versuchen/ sind sie nachmals nicht so leichtlich wider darvon zu entwehnen.

Er sol sie auch/ weil sie noch jung vñ klein seyn/ bendig machen/ oder gewehnen zu holen/ vnd ein ding zu bringen/ damit sie es aber desto ehe gewöhnen/ sol er jnen zum ersten ein stück Brots zimlich weit fürwerffen.

Wenn die Hunde franck werden/ so sol er jnen bald raht schaffen/ vnd sie heilen lassen. Die Hunde seind insonderheit auff dreyerley Kranckheit geneigt/ als nemlich/ Wüten/ Stranglen vnd Hüffwehe.

Die Hunde pflegen zu wüten vnd zu rasen in der größten Hitze im Sommer/ vnd schärfster grimmiger kälte im Winter. Solchem siechtagen fürzukommen/ solle der Hirt/ wenn es gar heiß/ oder grimmig kalt ist/ den Hunden zum offtermal gut frisch vnd kühl Brunnenwasser zu trincken geben/ damit sie sich also erkühlen/ vnd das hitzig geblüt erfrischen. Oder/ welches viel gewisser ist/ Er sol jnen/ dieweil sie noch jung seyn/ vnd man jnen den Schwanz verhauwen läßt/ die Nersader/ welche durch die Geleich die länge am Rückgraden/ biß an den Wadel gehet/ aufrupffen. Oder/ man neme jnen vnter der Zungen ein Aderlin/ welchs einem runden oder flachen Würmlin gleich sihet. Solchen Gebresten aber zu heilen/ sol man jhnen/ nach dem sie gebissen seind worden/ Mansgoltzafft mit Holdermarck einschütten. Oder aber die Stirn mit glüenden brennenden Eisen brennen/ Ober sie in lawlecht Wasser tauchen/ vnd ein gute weile darinn behalten.

Das Stranglen vnd den Tropff pflegt man den Hunden gleicher weis/ wie den Schafen zu heilen. Gemeintlich aber/ pfleget man jnen ein Glas voll warmes Dels einzu schütten/ vnd die Ader an den obern Schenckeln zu schlagen.

Wider das Ohrgeschwär pflegt man jhnen die Ohren mit gestoffenen bittern Mandeln zu schmieren vnd zu reiben.

Die Hundsflohe vertreibt man mit Meerwasser/ oder anderm gesalzenem Wasser/ auch mit Deltrusen/ so man den Hund damit schmieret.

Die andern Kranckheiten der Hunde/ mag man gleicher gestalt/ wie der Schafgebresten heilen vnd abhelffen.

Das achte Capitel.

Von den Fuhrknechten.



In muhtsamer vnd bescheidener Fuhrknecht/ der die Pferde lieb hat/ vberpoltert vnd schlägt seine Gäule nicht/ sondern er gewehnet vnd richtet sie also abe/ daß sie auff seiner Geißelnallen/ geschrey vñ stimme mehr/ denn auff groß schlagen vnd grawsam poltern geben. Er vberlädet sie auch mit keiner grösserer vnd schwärer Arbeit/ denn daß sie es erleiden vñd erziehen mögen. Er helt vnd strigelt sie sauber/ alle morgen/ vnd bißweilen/ wenn es die noth erfordert/ auch zu Mittage in dem Sommer. Er träncket sie zu rechter stunde/ vnd wenn sie schon etlicher massen außgeruhet vnd erschnaubet haben: Helt jnen auch die Fuß vnd Schenckel sauber/ wäschet sie zum offtermal im Sommer mit frischem Brunnwasser/ Wein/ oder Weintrusen/ oder aber wenn sie den Fuß vertretten haben/ mit Brunswasser. Er schlägt jne zu Nachts mit Kaltem mist ein/ vnd wäscht jhnen das Maul zu Nachts mit Weinessig vnd Salz auß/ wenn sie sich erhitzen oder vberfressen haben.

Wißt